

дї. И вознесѣтъ рогъ людеи своихъ: пѣснь
всѣмъ преподобнымъ егѡ, синовѡмъ Израилевымъ,
людемъ приближающимся емѡ.

Аллилуїа, рѣо.

а. Воспойте Гдѣви пѣснь новъ: хвалѣнїе егѡ въ
церкви преподобныхъ.

б. Да возвеселится Израиль ѡ сотворшемъ е-
гѡ, и сынове Сиѡни возрадуются ѡ царѣ своемъ:

г. Да восхвалатъ ѡна егѡ въ лицѣ, въ тѣм-
панѣ и ѡлтири да поютъ емѡ.

д. Иже благоволилъ Гдѣ въ людехъ своихъ,
и вознесѣтъ крѡткіа во спасѣнїе.

е. Восхвалатся преподобнии во славѣ, и воз-
радуются на ложахъ своихъ.

ѕ. Возношенїа Бжїа въ гортани ихъ, и мечи
обоюдѡ остры въ рѣкахъ ихъ:

з. Сотворити ѡмщѣнїе во языцехъ, ѡбличѣ-
нїа въ людехъ:

и. Связати цари ихъ пѣты, и славы ихъ
ручными ѡковъ желѣзными:

а. Сотворити въ нихъ сѡдѡ написанъ: слава
сїа бѣдетъ всѣмъ преподобнымъ егѡ.

Аллилуїа, рѣи.

а. Хвалите Бга во святыхъ егѡ, хвалите егѡ
во оутверженїи силы егѡ: